

Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2016-imit aningaasat tunniunneqartartut annertussusii pillugit nalunaarut

Kalaallit Nunaanni sulisilluni ajoqusersinnaanermut isumannaarineq pillugu inatsisimmi nr. 1528, 21. december 2010-meersumi § 64, imm. 1, § 74, imm. 2 aamma § 76, imm. 5 naapertorlugit makku aalajangersarneqarput:

Sulisilluni ajoqusernerit 1. januar 2016-imi kingusinnerusukkulluunniit pisut

§ 1. Sulisilluni ajoqusernerit 1. januar 2016-imit tamatumaluunniit kingorna pisut pillugit makku aalajangersarneqarput:

- 1) Peqqussummi § 28, imm. 3-mi ukiumut akissarsiat annerpaaffissaattut taaneqartoq qaffaavigineqarpoq 505.000 kr.-inngorlugu, tak. § 29, imm. 1.
- 2) Peqqussummi § 28, imm. 4 aamma 5-ni ukiumut akissarsiat minnerpaaffissaattut taaneqartoq qaffaavigineqarpoq 63.200 kr.-inngorlugu, tak. § 29, imm. 2.
- 3) Peqqussummi § 22, imm. 3 aamma 4-ni ajuuteqalernermi aningaasat taarsiissutaasussat taaneqartut qaffaavigineqarput 841.500 kr.-inngorlugit, tak. § 29, imm. 1.
- 4) Peqqussummi § 23, imm. 1-mi toqumik kinguneqartitsisimatillugu aningaasat ikaarsaariarnermi tunniunneqartussat taaneqartut qaffaavigineqarput 157.900 kr.-inngorlugit, tak. § 29, imm. 2.

§ 2. Sulisilluni ajoqusernerit 1. januar 2016-imit tamatumaluunniit kingorna pisunut pisartagarititat naatsorsornerannut iluarsivigineqarnerannullu tunngaviumik akissarsiat aallaaviusussat tassaapput inatsimmi § 28, imm. 1-7-ni ukiumut akissarsiatut aalajangersakkat 55.200/63.200-mik gangerlugit.

§ 3. Ingerlaavartumik pisartagaq 1. januar 2016-imit tamatumaluunniit kingorna annertussusilerneqarpat, pisartagaq aallarnerfianit tunngaviumik akissarsianut naapertuuttoq 14,5 pct.-imik ilassuserlugu tunniunneqartassaaq.

Sulisilluni ajoqusernerit 1. januar 2011-mit 31. december 2015-imit pisut

§ 4. Ingerlaavartumik pisartagaq 1. januar 2016 aallarnerfianit tunngaviumik akissarsianut naapertuuttoq 14,5 pct.-imik ilassuserlugu tunniunneqartassaaq.

Imm. 2. Ingerlaavartumik pisartagaq 1. januar 2016-imit tamatumaluunniit kingorna annertussusilerneqarpat, pisartagaq aallarnerfianit tunngaviumik akissarsianut naapertuuttoq 14,5 pct.-imik ilassuserlugu tunniunneqartassaaq.

Imm. 3. Inatsimmi § 22, imm. 3 aamma 4-mi aningaasat ajuuteqalernernut taarsiissutaasussat taaneqartut 841.500 kr.-inngorlugit qaffanneqassapput.

Imm. 4. Toqusooqartillugu ikaarsaariarnermi tunniuttakkat inatsimmi § 23, imm. 1-imi taaneqartut 157.900 kr.-inngorlugit qaffanneqassapput.

Sulisilluni ajoqusernerit 1. januar 2009-mit 31. december 2010-mut pisut

§ 5. Peqqussut nr. 991, 3. oktober 2008-meersoq naapertorlugu ullormusiat ingerlaavartumillu ukiumut pisartakkat 1. januar 2014 aallarnerfigalugu pisartagarititatut annertussusiligaq 14,5 pct.-imik ilassuserlugu tunniunneqartassaaq, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 7.

Imm. 2. Ullormusiat imaluunniit ingerlaavartumik pisartagarititat 1. januar 2016-imit tamatumaluunniit kingorna annertussusilerneqarpata ullormusiat imaluunniit pisartagaq tunniussisarnerit aallarnerfiannit ingerlaavartumik pisartagarititaaq 14,5 pct.-imik ilassuserlugit tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 7.

Imm. 3. Ullormusiat sapaatip akunneranut 4.180 kr.-ninit annertunerussanngillat, tak. peqqussummi § 19, imm. 2.

Imm. 4. Peqqussummi § 23, imm. 3 aamma 4-mi aningaasat ajuuteqalernernut taarsiissutaasussatut taaneqartut 841.500 kr.-inngorlugit qaffanneqassapput.

Imm. 5. Toqusoqqartillugu ikaarsaariarnermi tunniuttakkat peqqussummi § 24, imm. 1-mi taaneqartut 157.900 kr.-nngorlugit qaffanneqassapput.

Sulisilluni ajoqusernerit 1.oktober 1996-imit 31. december 2008-mut pisut

§ 6. Peqqussut nr. 818, 11. september 1996-imeersoq aamma peqqussut nr. 273, 24. april 2001-meersoq naapertorlugit ullormusiat ingerlaavartumillu ukiumut pisartakkat 1. januar 2016 aallarnerfigalugu tunniuttakkap annertussusia 14,5 pct.-imik ilassuserlugit tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 5 aamma 6.

Imm. 2. Ullormusiat imaluunniit ingerlaavartumik pisartagarititat 1. januar 2016-imit tamatumaluunniit kingorna annertussusilerneqarpata ullormusiat imaluunniit pisartakkat tunniunneqartarfiat aallarnerfigalugu ingerlaavartumik pisartagarititaaq 14,5 pct.-imik ilassuserlugit tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 5 aamma 6.

Imm. 3. Ullormusiat sapaatip akunneranut 4.180 kr.-nit annertunerussanngillat, tak. peqqussummi § 32, imm. 2.

Imm. 4. Peqqussummi § 38, imm. 3 aamma 4-mi aningaasat ajuuteqalernernut taarsiissutaasussatut taaneqartut 612.000 kr.-inngorlugit qaffanneqassapput.

Imm. 5. Toqusoqqartillugu ikaarsaariarnermi tunniuttakkat peqqussummi § 40, imm. 1-mi taaneqartut 157.900 kr.-nngorlugit qaffanneqassapput.

Sulisilluni ajoqusernerit 1.april 1984-mit 30. september 1996-imut pisut

§ 7. Peqqussut nr. 558, 28. december 1979-imeersoq aamma peqqussut nr. 145, 16. marts 1988-meersoq naapertorlugit ullormusiat ingerlaavartumillu ukiumut pisartakkat 1. januar 2016 aallarnerfigalugu tunniuttakkap annertussusia 14,5 pct.-imik ilassuserlugu tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 3 aamma 4.

Imm. 2. Peqqussut nr. 558, 28. december 1979-imeersoq imaluunniit peqqussut nr. 145, 16. marts 1988-imeersoq naapertorlugit ullormusiat imaluunniit ingerlaavartumik pisartagarititat 1. januar 2016-imit tamatumaluunniit kingorna annertussusilerneqarpata ullormusiat imaluunniit pisartakkat tunniunneqartarfiat aallarnerfigalugu ingerlaavartumik pisartagarititaaq 14,5 pct.-imik ilassuserlugit

tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 3 aamma 4.

Imm. 3. Ullormusiat sapaatip akunneranut 4.180 kr.-ninit annertunerussanngillat, tak. peqqussummi § 27, imm. 2.

Imm. 4. Peqqussummi § 34, imm. 3-mi aningaasat ajuuteqalernernut taarsiissutaasussatut taaneqartut 61.000 kr.-inngorlugit qaffanneqassapput.

Imm. 5. Toqusoqqartillugu ikaarsaariarnermi tunniuttakkat peqqussummi § 36, imm. 1-mi taaneqartut 157.900 kr.-nngorlugit qaffanneqassapput.

Sulisilluni ajoqusernerit 1. januar 1980-imit 31.marts 1984-imit pisut

§ 8. Peqqussummi nr. 558, 28. december 1979-meersoq naapertorlugi ingerlaavartumik ukiumut pisartakkat 1. januar 2016 aallarnerfigalugu pisartagarititatu annertussusiligaq 14,5 pct.-imik ilassuserlugu tunniunneqartassaaq, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 2.

Imm. 2. Ingerlaavartumik pisartagarititatu 1. januar 2016-mit tamatumaluunniit kingorna peqqussummi nr. 558, 28. december 1979-meersoq naapertorlugi annertussusilerneqarpata pisartakkanik tunniussisarnerit aallarnerfiannit pisartagarititaq 14,5 pct.-imik ilassuserlugu tunniunneqartassaaq, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 2.

Imm. 3. Peqqussummi nr. 558, 28. december 1979-meersumi § 34, imm. 3-mi aningaasat ajuuteqalernernut taarsiissutaasussatut taaneqartut 61.000 kr.-inngorlugit qaffanneqassapput.

Imm. 4. Peqqussummi nr. 558, 28. december 1979-meersumi toqusoqqartillugu ikaarsaariarnermi tunniuttakkat § 36, imm. 1-mi taaneqartut 157.900 kr.-inngorlugit qaffanneqassapput.

Ajunaarnerit 1. juli 1962-imit 31. december 1979-imit pisut

§ 9. Ajunaarnerinnaanermut sillimmasiisarnermik aqqissuussineq malillugu ukiumut erniat ingerlaavartut 1. januar 2016 aallarnerfigalugu erniat massakkut annertussusiat 14,5 pct.-imik ilallugit tunniunneqassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 1.

Imm. 2. Ajunaarnerit 1. januar 2016 sioqqullugu tamatumaluunniit kingorna pisut erniaat ingerlaavartut annertussusilerneqarsimappata aallartiffimmiit tassanga erniat 14,5 pct.-imik ilallugit tunniunneqassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 1.

Imm. 3. Aalajangersakkaat taakku ajunaarsinnaanermut sillimmasiisarnermik aqqissuussinermi §§ 55 aamma 59, imm. 1 malillugit sillimmasiussanut atuutinngillat.

Akunnaalliliineq

§ 10. Ukiumut ingerlaavartumik pisartagarititatu 12-imik agguarneqarsinnaanngitsut koruuninut 12-imik agguarneqarsinnaasunut qaninnerpaanut qaffanneqassapput.

Nerisaqarnek ineqarnerlu

§ 11. Inunnut sulisitsisuminni najugaqartunut nerisaqarnek ineqarnerlu ukiumut 38.800 kr.-nik naleqartinneqartussatut aalajangiunneqarpoq. Nerisaqarnek kisimi ullormut 87 kr.-nik naleqartinneqartussatut aalajangiunneqarpoq.

Isarussat

§ 12. Aningaasat isarussanut taarsiissutaasinnaasut qaffasinnerpaaffigaat 1.110 kr.

Suliat Kalaallit Nunaanni sulisilluni ajoqusersinnaanermut isumannaarineq pillugu inatsimmi ilanngunneqartut suliarinerannut Arbejdsskadestyrelsen aamma Ankestyrelsenip akigititai

§ 13. Pissutsit Kalaallit Nunaanni sulisilluni ajoqusersinnaanermut isumannaarineq pillugu inatsimmi aamma peqqussutini siusinnerusukkut atuuttuni ilanngunneqartut pillugit aamma sillimmasiisarfinnut imaluunniit Arbejdsmarkedets Erhvervssygdomssikringimut tunngasunik Arbejdsskadestyrelsenip suliarinninneranut, tak. inatsimmi § 64, akit makku malillugit akiliisoqartassaaq:

- | | |
|--|-------|
| 1) Suliassat nutaamik nalunaarutigineqartut | |
| a) atortut ikiuutit, isarussat il.il. ajoqutaat, | 2.355 |
| b) ajunaarnerit | 4.369 |
| c) inuussutissarsiummit nappaatigilikkat | 5.133 |
| d) sulianut inuussutissarsiummit nappaataalersut pillugit ataatsimiititaliamut saqqummiussanut saniatigut tapit | 2.564 |
| e) ajunaarnerit aamma sivikitsumik ajoqusiisumik sunniutit, | |
| 1. januar 2009 sioqqullugu pisut | 4.369 |
| f) tassaangaannartumik kivitsinermit ajoqusernerit, | |
| 1. januar 2009 sioqqullugu pisut | 3.723 |
| 2) Iluarsiissuteqarnerit suliareqqiinerillu | |
| a) atortut ikiuutit, isarussat il.il., | 1.468 |
| b) ajunaarnerit | 2.620 |
| c) inuussutissarsiummit nappaatigilikkat | 2.969 |
| d) sivikitsumik ajoqusiisumik sunniutit, | 2.734 |
| 1. januar 2009 sioqqullugu pisut | 2.620 |
| e) tassangaannartumik kivitsinermit ajoqusernerit, | |
| 1. januar 2009 sioqqullugu pisut | 2.743 |

§ 14. Suliat 1. januar 2016-mi kingusinnerusukkulluunniit suliakkiissutigineqartunik Ankestyrelsenip suliamik ataatsimik suliarinninneranut aki 9.181 kr.-iuvoq. Aalajangiisoqarnerit tamaasa Ankestyrelse suliamik pilersitsisassaaq.

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 74 aamma taarsiissuteqarnissamut akisussaassuseqarnermik inatsisip Kalaallit Nunaanni atortuulersinnissannik peqqussummi nr. 796, 1. oktober 1993-imeersumi § 10 malillugit oqaaseqaateqarnernut akiliut

§ 15. Inatsimmi § 74 malillugu oqaaseqaatit akit makku malillugit akilerneqassapput:

- | | |
|--|-------|
| 1) Inuussutissarsiorsinnaassutsimik annaasaqarneq pillugu imalimmik oqaaseqaateqarneq | 8.600 |
| 2) Oqaaseqaatit allat | 5.100 |

Imm. 2. Oqaaseqaatinik allanik oqaaseqaateqaqqusineq apeqqutaatinaagu suliat pillugit allagaatit taaneqartut tunngavigalugit ajoqusertup siunissami inuussutissarsiorsinnaassutsimik annaasaqarsinnaanera utaqqiissaagallartumik inaarutaasumilluunniit missingersorneqarsinnaanersoq pillugu piffissami taaneqartumi immikkut ittumik oqaaseqaateqarnermut imm. 1-imi oqaaseqatigiinni siullerni aki taaneqartoq malinneqassaaq.

Imm. 3. Oqaaseqaateqaqqusinermi imm. 1 aamma 2 malillugu aki akilerneqassaaq.

Atuutilerfia

§ 16. Nalunaarut manna atuutilerpoq ulloq 1. januar 2016.

Arbejdsskadestyrelsen, ulloq 30. oktober 2015

MERETE AGERGAARD

/ Karoline Klaksvig